



Saláriu di Emerjênsia Duranti Ténpu di Duénsa

Pruteson di COVID-19 pa Trabadjadoris

Pa garanti ki tudu kes ki sinti duenti ó ki pode panha COVID-19 pa órdi di fika na kaza y evita pa ki otus ka panha es vírus, **tudu trabadjador ten ki ten koraji di falta trabadju pa kuida di ses kabésa y di ses família, sen perde saláriu ki es meste pa paga ses kónta.**

Dianti di es aparesiméntu di COVID-19 y di es grandi interrupson ikunómiku ki el sta kauza, Stadu di Massachusetts ten ki urjentimenti atua pa proteje se trabadjadoris.

É nos primeru prioridadi difende trabadjadoris ki ten saláriu baxu kóntra COVID-19, pamódi es sta sinti maior ifeitu ikunómiku di es aparesiméntu. Prufisionais di saúdi y trabadjadoris di kuidadus prolongadu, trabadjadoris di linpéza, trabadjadoris di sirvisus di kulinária, trabadjadoris di kuidadus di kriansa, trabadjadoris di kanbra, kuadrus di fakuldadi, kontratoris indipendenti, y otus na linha di frenti é di grandi inportansia na apoiu di nos kumunidade duranti es pandemia. Mudjeris, pesoas di otus rasa, y imigrantis, tudu es é disproporsionalmenti reprezentadu na okupason di linha di frenti y di indústria.

Txeu trabadjador di linha di frenti sta pasa mal ikunómikamenti y ka ten proteson di un bazi ikunómiku inkluidu un saláriu dretu duranti ténpu di duénsa. Na 2014, “Raise Up Massachusetts” enkabesa un kanpanha pa kria Lei di Salariadu di Massachusetts duranti ténpu di duénsa. Kontudu, kes 40 óra di ténpu di duénsa ki lei ta oferese trabadjadoris, pa kada anu, ka ta djuda-s sobrevive ku es grandi krizi di saúdi públiku. Entritantu, Atu Federal di Respósta di Primeru Korona

Virus pa Famílias(FFCRA) ten grandi fadja di seguransa ki ta dexa milhons di trabadjadoris di linha di frenti sen saláriu di ténpu di duénsa, inkluindu trabadjadoris na konpanhias ku más di 500 enpregadu, y txeu enpregadu di kuidadus di saúdi y sirvisus rezidensial. Séntru pa Prugrésu Amerikanu ta kalkula ki pelu ménu 1.8 milhon di trabadjadoris na Massachusetts ka sta siguradu pa proteson di saláriu di ténpu di duénsa di FFCRA.

Stadu di Massachusetts meste pasa un lei di Saláriu di Emerjênsia di Ténpu di Duénsa pa garanti ki tudu trabadjador pode goza di saláriu di ténpu di duénsa duranti es krizi.

Pa más informason, djobe [raiseup.org/EmergencyPST](https://www.raiseup.org/EmergencyPST) pa prende más y toma más midida!

Saláriu di Emerjênsia Duranti Ténpu di Duénsa

(HD.5039 -Rep. Donato / SD.2918 – Sen, Lewis)

Nos lei di Saláriu di Emerjênsia Duranti Ténpu di Duénsa ta ofereseba dês **(10) dia di trabadju adisional (80 óra) di pruteson di trabadju** pa uzu imediatu duranti aparesiméntu di COVID-19. Es Saláriu di Emerjênsia Duranti Ténpu di Duénsa ta serba dispunível pa enpregadus ki ka sta protejedu pa regulaméntu di Saláriu di Ténpu di Duénsa di Atu Federal di Respósta di Primeru Korona vírus pa Famílias (FFCRA):

- a) **Trabadjadoris ki ta trabadja pa un konpanhia privadu ku más di 500 enpregadu;** y
- b) **Trabadjadoris ki ta trabadja pa kuidadus di saúdi ó sirvisus rezidensial** ki ten pusibilidadadi di sklui ses kabésa di FFCRA.

Trabadjadoris ki ta toma Saláriu di Emerjênsia Duranti Ténpu di Duénsa ta serba pagu pa ses konpanhia na ses pagaméntu normal, te un másimu di \$850/semana. Konpanhias ta serba reinborsadu konplétamenti pa stadu.

Saláriu di Emerjênsia Duranti Ténpu di Duénsa ta sta dispunível, sen ténpu di spéra, pa utilizason:

- a) **Pa trabadjadoris toma kónta** di ses kabésa si es atxadu ku COVID-19, ki sta sinti sintomas di COVID-19 y ki sta spera pa un diagnóstiku, ki sta di kuarentena ó di kuarentena di própi vontadi, ki ta kardita rialmenti ki ses saúdi sta en risku; ó
- b) **Pa un trabadjador ki ta toma kuidadu di un ménbru di família**, inkluindu un kunpanheru ó algen ku kenha trabadjador ta mora, ki diagnostikadu ku COVID-19, ki sta sprimenta sintomas di COVID-19 y ki sta spera pa un diagnóstiku, ki sta di kuarentena ó di kuarentena di própi vontadi, ki ta kardita rialmenti ki se saúdi sta en risku.

Pa más informason, djobe raiseup.org/EmergencyPST pa prende más y toma más midida!

Sobri “Raise Up Massachusetts”

“Raise Up Massachusetts” é un konjuntu di organizasons di kumunidadi, grupus di prinsípius rilijiozu y sindikatus didikadu pa konstrui un ikonumia ki ta invisti na familia, ki ta da tudu algen oportunidadadi pa ten susésu na vida, y ki ta kria txeu konvivensia kumun. Desdi ki nos union djunta na 2013, kuazi nu duplika saláriu pa sentenas di milharis di trabadjadoris. Nu ganha dos oméntu na saláriu mínimu di stadu, nu klasifikadu midjor na país pa midjoraméntu di saláriu di témpu di duénsa y benefísius pagu y baixa di dotor pa trabadjadoris y ses familia, nu faze kanpanha pa “Fair Share Amendment” pa invisti na transpórti y idukason públiku, y nu kumesa ta konstrui un ikonumia ki ta trabadja pa nos tudu, ka só pa kes ki ta sta la di riba.

Prende más na raiseupma.org.